



Broj: 16-12-16-2-6068- 7 /16  
I. Sarajevo, 31.10 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 26. stav (2) tačka c) i člana 70. stav (5) Zakona o javnim nabavkama („Službeni glasnik BiH, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-6068/16 od 28.10.2016. godine, u postupku javne nabavke policijske opreme za potrebe Jedinice za specijalnu podršku Državne agencije za istrage i zaštitu, direktor Državne agencije za istrage i zaštitu, d o n o s i

### **ODLUKU**

o rezultatima pretkvalifikacije u postupku javne nabavke policijske opreme za potrebe Jedinice za specijalnu podršku Državne agencije za istrage i zaštitu

#### **Član 1.**

Na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-6068/16 od 28.10.2016. godine u postupku javne nabavke policijske opreme putem ograničenog postupka za potrebe Jedinice za specijalnu podršku Državne agencije za istrage i zaštitu za koji je obavještenje o javnoj nabavci broj 1161-2-1-793-3-56/16, objavljeno na Portalu javnih nabavki i u „Službenom glasniku BiH“ broj 77/16, kvalifikovani kandidati su:

- a) „KOTEKS“ d.o.o. Tešanj;
- b) „SHOT“ d.o.o. Zenica;
- c) „KM TRADE“ d.o.o. Visoko.

#### **Član 2.**

Tenderska dokumentacija sa pozivom za dostavljanje ponuda dostavit će se kvalifikovanim ponuđačima iz člana 1. ove odluke.

#### **Član 3.**

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

#### **Član 4.**

Za realizaciju ove odluke zadužuje se Sektor za materijalno-finansijske poslove Državne agencije za istrage i zaštitu.

#### **Član 5.**

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu broj (u daljem tekstu: Agencija) broj 16-12-16-2-6068-1/16 od 06.10.2016. godine, a na osnovu saglasnosti ministra Ministarstva sigurnosti Bosne i Hercegovine, broj 04-16-4-6685-2/16 od 30.09.2016. godine, pokrenut je postupak javne nabavke policijske opreme, putem ograničenog postupka za potrebe Jedinice za specijalnu podršku Agencije, procijenjene vrijednosti 44.440,00 KM bez uračunatog PDV-a, za što su novčana sredstva obezbjeđena u okviru budžetskih sredstava za 2016. godinu. Predmet javne nabavke policijske opreme podijeljen je na lotove i to:

- a) Lot 1 - Nabavka 20 komada pištolja kalibra 9x19 mm, procijenjene vrijednosti 18.800,00 KM bez uračunatog PDV-a;
- b) Lot 2 - Nabavka dva balistička štita 4A zaštite, procijenjene vrijednosti 25.640,00 KM bez uračunatog PDV-a.

Prema Tenderskoj dokumentaciji odabir ponuđača za javnu nabavku policijske opreme putem ograničenog postupka provodi se u dvije faze i to:

- Faza I - pretkvalifikacija i provjera kvalifikacije kandidata;
- Faza II- dostavljanje ponuda kvalifikovanih kandidata.

Obzirom da je tačkom 15. Tenderske dokumentacije navedeno da je rok za dostavljanje Zahtjeva za učešće u postupku javne nabavke policijske opreme (u daljem tekstu: Zahtjev) 25.10.2016. godine do 12,00 sati, to je Komisija dana 25.10.2016. godine u 13,00 sati izvršila otvaranje dostavljenih Zahtjeva, gdje je utvrđeno da su blagovremeno dostavljena tri Zahtjeva, uredno zapečaćena, kako slijedi:

Redni broj	Naziv kandidata
1.	“KOTEKS” d.o.o. Tešanj
2.	“SHOT” d.o.o. Zenica
3.	“KM TRADE” d.o.o. Visoko

Komisija je nakon otvaranja dostavljenih Zahtjeva za učešće postupak nastavila u smislu pregledanja dokumentacije priložene uz dostavljene Zahtjeve, a u cilju utvrđivanja kvalifikovanosti kandidata shodno uslovima navedenim u Tenderskoj dokumentaciji. Uvidom u sadržaj dostavljenih Zahtjeva Komisija je utvrdila da kandidati “KOTEKS” d.o.o. Tešanj, “SHOT” d.o.o. Zenica i “KM TRADE” d.o.o. Visoko ispunjavaju kvalifikacione uslove iz Tenderske dokumentacije u pogledu lične sposobnosti, sposobnosti obavljanja profesionalne djelatnosti i tehničke i profesionalne sposobnosti.

Shodno navedenom, nakon provedene Faze I postupka javne nabavke policijske opreme za potrebe Jedinice za specijalnu podršku Agencije, prihvaćen je prijedlog Komisije i odlučeno je kao u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponudačima 3x;
- Sektoru za mat.-fin. poslove;
- a/a.

